

## **Мамандандырылған ауданаралық экономикалық және әкімшілік соттарды құру туралы**

Қазақстан Республикасы Президентінің Жарлығы. 2002 жылғы 9 ақпан N 803

"Қазақстан Республикасының сот жүйесі мен судьяларының мәртебесі туралы" 2001 жылғы 25 желтоқсандағы Қазақстан Республикасы Конституциялық заңының 3-бабының 3-тармағына, 6-бабының 1-тармағына сәйкес қаулы етемін:

1. Астана қаласында, Ақмола, Ақтөбе, Алматы, Атырау, Шығыс Қазақстан, Жамбыл, Батыс Қазақстан, Қостанай, Қызылорда, Маңғыстау, Павлодар, Солтүстік Қазақстан, Оңтүстік Қазақстан облыстарында қолданыстағы заңдарға сәйкес экономикалық дауларды қарауға уәкілетті мамандандырылған ауданаралық экономикалық соттар құрылсын.

2. Астана және Алматы қалаларында мамандандырылған ауданаралық әкімшілік соттар құрылсын.

3. Әділет біліктілік алқасы, Әділет министрі, Жоғарғы Соттың Төрағасы осы Жарлықпен құрылған соттардың төрағалары мен судьяларының лауазымдарына кандидаттарды іріктеу жөніндегі шараларды заңдарда белгіленген тәртіппен жүзеге асырсын және Қазақстан Республикасы Президентінің қарауына осы соттардың кадр құрамы жөнінде ұсыныстарды табыс етсін.

4. Қазақстан Республикасының Үкіметі, Қазақстан Республикасының Жоғарғы Соты, Қазақстан Республикасы Жоғарғы Сотының жанындағы Сот әкімшілігі жөніндегі комитет осы Жарлықтан туындайтын өзге де шараларды қолдансын.

5. "Алматы және Қарағанды қалаларында мамандандырылған ауданаралық экономикалық соттар құру туралы" Қазақстан Республикасы Президентінің 2001 жылғы 16 қаңтардағы N 535 Жарлығына (Қазақстан Республикасының ПҰАЖ-ы, 2001 ж., N 1-2, 1-құжат) өзгерістер енгізілсін:

Жарлықтың атауындағы "Алматы және Қарағанды қалаларында" деген сөздер "Алматы қаласында және Қарағанды облысында" деген сөзбен алмастырылсын;

1-тармақтағы "Алматы және Қарағанды қалаларында" деген сөздер "Алматы қаласында және Қарағанды облысында" деген сөзбен алмастырылсын.

6. Осы Жарлықтың орындалуын бақылау Қазақстан Республикасы Президентінің Әкімшілігіне жүктелсін.

7. Осы Жарлық қол қойылған күнінен бастап күшіне енеді.

*Қазақстан Республикасының*

*Президенті*

